

摘藻堂四庫全書薈要

經部

01739470
浙大图书馆

欽定四庫全書薈要

經部

欽定周官義疏卷二十六

詳校官編修臣程嘉謨



欽定四庫全書薈要卷二千三百八十九

經部

欽定周官義疏卷二十六

春官宗伯第三之十

大史掌建邦之六典以逆邦國之治掌灋以逆官府之治掌則以逆都鄙之治

正義鄭氏康成曰典則亦法也

賈疏大宰注典法則所用異異其名其實

典則與法一也逆迎也六典八法八則冢宰所建以治百官

大史又建焉以爲王迎受其治也大史日官也

案曰建者廢舉損益得與大宰共酌定也法則不言

建該於六典也大史明於天道達於先聖之舊典

累朝之故事故凡禮典之因時損益及五官和布於

正月者皆得與大宰酌定既掌建典又逆其治則邦

國都鄙官府之治成達於六官者皆別達於大史以

聽鈞考可知矣本職於約劑則貳六官司民所獻民

數則與冢宰司會同貳天府惟建典不言貳著其異

於諸職之相副也疏乃謂迎受治職文書義尚未該

餘論王氏應電曰大史非治事之官何以逆邦國官府都鄙之治蓋史臣據事實錄漢郡國上計亦先送大史也

存疑鄭氏康成曰春秋傳天子有日官諸侯有日御日官居卿以底日禮也日御不失日以授百官於朝

賈疏桓十

七年左傳

居猶處也言建六典以處六卿之職

賈疏左傳

服注日官日御典歷數者也堯典乃命羲和欽若昊天歷象日月星辰是卿掌歷數帝王異世設官不同周雖以下大夫爲之然建邦之六典猶處六卿之職

凡辨濫者攷焉不信者刑之

正義鄭氏康成曰謂邦國官府都鄙以法爭訟來正之者 易氏祓曰考之而是非審然後達之大宰以待廢置誅賞司約職不信者服墨刑 王氏昭禹曰考其辨法所以伸在下之情刑其不信所以杜奸辨之源

案冢宰體重而事繁故辨法者使正於大史

凡邦國都鄙及萬民之有約劑者藏焉以貳六官六官

之所登

劑津私反

正義鄭氏康成曰約劑要盟之載辭及券書也

賈疏案司

盟凡邦國有疑會同則掌其盟約之載故知約劑中有要盟之載辭萬民約劑無盟要載辭惟有券書

貳猶副也

賈疏約劑皆副寓一通上於太史藏之

藏灋與約劑之書以

為六官之副其有後事六官又登焉

案司約所掌惟邦國及萬民之約劑此職增都鄙蓋經界水道工築諸大政役比邑連井並有職焉易生爭鬪都鄙及萬民皆有之故入約劑於司約兼藏於

大史恐其久而抵冒耳若官府之取予則有書契而無約劑喪祭所賒官物則各從其抵不踰時而入於泉府矣安得有約劑疏謂并官府之約劑藏之非也若民間之質劑則自藏之訟而後以質於有地治者惟大約劑乃入於司約

通論易氏祓曰藏藏司約之所登也司約職凡大約劑書於宗彝小約劑書於丹圖大亂則六官辟藏是司約以其約劑登於六官又以其副登於大史而大

史以貳六官之所登也

存疑黃氏度曰重出六官二字疑衍

若約劑亂則辟濫不信者刑之

辟旁亦反

正義鄭氏康成曰謂抵冒盟誓者辟法攷案讀其然否 賈氏公彥曰辟開也法卽約劑也爲之開故府攷案其然否不信者不依約劑 鄭氏鍔曰時移事變久而或亂彼此相疑則大史啓舊藏以示之

正歲年以序事頒之于官府及都鄙

正義鄭氏康成曰中數曰歲朔數曰年

賈疏一年之內有二十四

氣正月立春節雨水中二月啓蟄節春分中三月清明節穀雨中四月立夏節小滿中五月芒種節夏至中六月小暑節大暑中七月立秋節處暑中八月白露節秋分中九月寒露節霜降中十月立冬節小雪中十一月大雪節冬至中十二月小寒節大寒中皆節氣在前中氣在後節氣一名朔氣中氣在晦則後月閏中氣在朔則前月閏節氣有入前月法中氣無入前月法中氣而則爲歲朔氣而則爲年假令十二月中氣在晦則閏十二月十六日得後正月立春節此即朔數曰年至後年正月一日得雨水此中氣而即是中數曰歲案注意謂歲年有兩法中氣一而三百六十五日四分日之一稍弱此中數曰歲也朔者十二月朔如六大六小則三百五十四日爲一年中數生於日朔數生於日月之會疏指節氣爲朔

數非是

中朔大小不齊正之以閏

賈疏月有大小一年三百五十四日而已

餘仍有十一日是以三十三月已後中氣在晦不置閏則中氣入後月故須置閏以補之案兩氣三十日有奇一朔二十九日半有奇是中朔大小不齊所謂合氣盈朔虛而閏生者也

若今時作

歷日矣定四時以次序授民時之事春秋傳閏以正時時以作事事以厚生生民之本於是乎在

賈疏文六年左

傳

賈氏公彥曰造歷正歲年以閏則四時有次序

依歷授民以事故云序事王氏應電曰叙事者若

書之東作西成南訛朔易月令之春而布德秋而明

刑之類頒于官府都鄙則王國之事叙矣又頒于邦國所以一正朔於天下也

頒告朔于邦國

正義鄭氏衆曰頒讀爲班布也以十二月朔布告天下諸侯故春秋傳曰不書日官失之也

賈疏桓十七年左傳

鄭氏康成曰天子頒朔於諸侯諸侯藏之祖廟至朔朝於廟告而受行之

案不曰頒朔而曰頒告朔者並每月所行之政令布

告於臣民也先儒以告於廟爲告朔於侯國言之猶

可於頒朔言之則贅矣

春秋閏月不告月猶朝於廟既朝於廟而曰不告月則爲

以是月之政令

告於臣民審矣

通論賈氏公彥曰論語稱告朔玉藻謂之聽朔春秋謂之視朔視者人君入廟視之告者使有司讀之聽者聽治一月政令所從言之異耳

閏月詔王居門終月

正義鄭氏衆曰月令十二月分在青陽明堂總章立

堂左右之位惟閏月無所居居於門 鄭氏康成曰

門路寢門也

賈疏案玉藻閏月則闔門左扉立於其中不云居又不云終月此經言居門終

月故知是

路寢門

辨正郝氏敬曰先鄭謂於文王在門謂之閏按堯以閏月正四時帝世無王焉得以王在門爲閏

大祭祀與執事卜日

正義鄭氏康成曰執事大卜之屬與之者當視墨

賈疏

占人職

史占墨

戒及宿之日與羣執事讀禮書而協事

注故書協作叶杜子春云協也

書亦或爲

協或爲汁

正義鄭氏康成曰協合也合謂習錄所當共之事也
賈氏公彥曰戒謂散齊七日宿謂致齊三日羣執
事與祭之官讀禮書而協事恐事有失錯物有不共
也

祭之日執書以次位常

正義鄭氏康成曰謂校呼之教其所當居之處 賈

氏公彥曰祭祀之書若今儀注次位常者令各居所掌位次也

辨事者攷焉不信者誅之

正義鄭氏康成曰謂抵冒其職事 王氏昭禹曰法者上所以制下辨而不信其罪重故刑之事者下所以事上辨而不信其罪輕故誅之誅者以言責之而已 王氏應電曰不知禮者與知禮者爭辨於是乎攷焉而責其不知禮者

大會同朝覲以書協禮事

正義鄭氏康成曰亦先習錄之也

及將幣之日執書以詔王

正義鄭氏康成曰將送也詔王告王以禮事 賈氏

公彥曰朝覲有三享之禮幣謂璧帛之類

案諸侯執玉朝覲時正將幣也將幣可兼三享而不
可專以三享爲將幣疏說未該詳見大行人及司儀
職

大師抱天時與大師同車

與大師之大音泰

正義鄭氏康成曰鄭司農云大出師則大史主抱式

以知天時處吉凶

賈疏據當時占文謂之式以其見時候有法式也

史官主

知天道故國語曰吾非瞽史焉知天道

賈疏見周語

春秋

傳楚有雲如衆赤鳥夾日以飛楚子使問諸周大史

賈疏哀六年左傳

某謂瞽即大師大師瞽官之長 王氏安

石曰兼抱天時之器 王氏應電曰天時謂時日支

干孤虛王相及星辰變動軍衆用以行止者

案大師聽軍聲必與大史同車者同律之聲必合時
日以爲占武王伐商吹律聽聲推孟冬以至季冬殺
氣相併而音尚宮是也

大遷國抱瀆以前

正義鄭氏康成曰法司空營國之法也抱之以前當
先王至知諸位處

大喪執瀆以泣勸防

正義鄭氏衆曰勸防引六紼 易氏祓曰法者六引

六紼之法 王氏昭禹曰喪祝掌大喪勸防之事大史執法以涖之

遣之日讀誄

遺棄戰反

正義鄭氏康成曰遣謂祖廟之庭大奠將行時也人之道終於此累其行而讀之大師又率瞽廡之而作誼瞽史知天道使其事言王之誄誼成於天道

賈疏

曾子問惟天子稱天以誄之注引公羊傳制誼於南郊是王之誼成於天道也若然先於南郊制誄乃於遣之日讀之葬後則稱誼賈氏公彥曰未葬以前孝子不忍異

於生仍以生禮事之至葬送形而往迎魂而返則以
鬼事之故遣之日讀誄 王氏應電曰既諡而必讀
於匱者一則質諸死者而無憾一則示生時所行死
而不可掩使人知所勸戒也

凡喪事攷焉

正義鄭氏康成曰爲有得失

小喪賜諡

正義鄭氏康成曰小喪卿大夫也

存疑黃氏度曰小喪王子弟之喪注謂卿大夫非也卿大夫賜諡讀誄小史掌之

案小喪大史主賜諡當賜諡時則小史讀誄非二事也傳云公子之重視大夫則王子弟與卿大夫適相等

凡射事飾中舍算執其禮事

舍音釋

正義鄭氏康成曰舍讀曰釋鄭司農云中所以盛算也某謂設算於中以待射時取之中則釋之

賈疏案鄉射大

射算皆於中西設八算於中內耦升將射大史取中之八算執之待射中釋算則更實八算於中待第二耦射第三耦鄉射記君國中射則皮豎中於郊則閭已下皆然

中

案閭獸名

於竟則虎中大夫兕中士鹿中

賈疏國中射則皮豎中者

謂燕禮在寢則以皮豎獸形爲中於郊謂大學之射於竟謂與鄰國君射也大夫士各一中故大夫以兕爲中士以鹿爲中天子之中未聞賈氏公彥曰飾中謂飾

治使潔舍算者射有三番第一番三耦射不釋算第二第三番射乃釋算也鄭氏鍔曰大史職當記注

故釋算以記其中之數也禮事凡射時之升降威儀

皆是

案大史之職自建典以外皆國之大事而天官家之術數則使有司治之有馮相氏攷歷象以正歲時有保章氏察妖祥以占時變大史不過攬其綱維辨其差忒而已惟聽軍聲以知吉凶誅南郊以垂法戒則天道人事之精微而難辨顯著而難欺者大史身任之蓋古非有道有德者不居是職故曾氏鞏謂唐虞之世史臣皆聖賢之徒雖至周衰見於傳記者猶多

個儻非常之人則知周公設官以下大夫而所掌皆與六卿相可否之事所以維持世教之意深矣

小史掌邦國之志奠繫世辨昭穆若有事則詔王之忌

諱

奠如字一音定繫戶計反

正義鄭氏衆曰志謂記也繫世謂帝繫世本之屬是也小史主定之瞽瞍諷誦之

賈疏瞽瞍掌誦誦詩世奠繫鼓琴瑟

先王

死日爲忌名爲諱 賈氏公彥曰帝繫世本皆有昭

穆親疏故須辨之 王氏安石曰父子相代謂之世

世之所出謂之繫真繫世以知其本所出辨昭穆以知其世序也

辨正鄭氏鐫曰小史掌邦國之志先鄭謂若春秋傳所稱周志國語所稱鄭書之類外史掌四方之志後鄭謂若魯之春秋晉之乘楚之檮杌之類則邦國與四方無以異而分掌於二官何耶蓋周志鄭志乃外史所謂四方之志若邦國之志則志諸侯所出之繫與其廟祧昭穆如魯出於周公鄭出於桓公傳序浸

多昭穆久而或亂故王朝亦有志以記而小史掌之也

存疑鄭氏康成曰王有事祈祭於其廟 賈氏公彥曰若有事者謂在廟中有所祭之事詔王之忌諱謂小史告王以先王之忌諱也

案注疏專以有事宗廟言尚未盡古者大夫歿君不舉其名王時巡舍於諸侯之祖廟亦當有忌諱記所謂以禮籍入正小史之事也

大祭祀讀禮灋史以書敘昭穆之俎簋

正義鄭氏康成曰俎簋牲與黍稷以書次之校比之

賈氏公彥曰云敘昭穆之俎簋則大祭祀惟謂宗

廟也三年一祫之時尸主非一兼叙昭穆俎簋

案時祭亦

有祫但不兼

毀廟主耳

案大史與羣執事讀禮法而主讀者小史也於大史

曰禮書以書協事也此曰禮法則事與書兼之矣史

小史之屬史也舊說大史讀禮法時小史以書敘俎

蓋則經何不直書小史以明之而第曰史乎

如四方之事書

內史讀之內史掌書
王命遂貳之之類

大喪大賓客大會同大軍旅佐大史凡國事之用禮灋者掌其小事

正義賈氏公彥曰數事皆大史掌之小史佐之

卿大夫之喪賜諡讀誄

正義鄭氏康成曰其讀誄亦以大史賜諡爲節事相成也

馮相氏掌十有二歲十有二月十有二辰十日二十有

八星之位辨其敘事以會天位

馮音憑相息亮反
有音又會如字

正義鄭氏康成曰歲謂大歲歲星與日同次之月斗

所建之辰

鄭氏鈔曰斗柄月移一舍正月爲陬二月爲如三月爲病四月爲余五月爲皋六月

爲且七月爲相八月爲壯九月爲玄十月爲陽十一月爲辜十二月爲涂是爲十二月之位

樂說

說歲星與日常應大歲月建以見然則今歷太歲非

此也

賈疏太歲在地與天上歲星相應而行歲星爲陽右行於天一歲移一辰又分前辰爲一百四

十四分而侵一分則一百四十四年跳一辰十二歲一小周一年移一辰故也千七百二十八年一大周

十二跳币故也太歲左行於地與歲星跳辰年數同服虔注春秋龍度天門蓋以歲星本在東方謂之龍以辰爲天門故以歲星跳辰爲龍度天門也云歲星與日同次之月斗所建之辰者以歲星爲陽人之所見太歲爲陰人所不覩雖右行左行不同要行度不異故舉歲星以表太歲言歲星與日同次之月一年之中惟於一辰之上爲法若元年甲子十一月朔旦冬至日月五星俱赴於牽牛之初是歲星與日同次之月十一月斗建子子有太歲至明年歲星移向子上十二月日月會於玄枵斗建丑丑有太歲自此已後皆然

歲日月辰星宿之位謂方面所在

賈疏此五物皆依四面十

二辰而見

辨其序事謂若仲春辨秩東作仲夏辨秩南訛

仲秋辨秩西成仲冬辨在朔易

賈疏尚書皆作平秩今云辨秩據書傳

會天位者合此歲日月辰星宿五者以爲時事之候
若今歷日太歲在某月某日某甲朔日直某也國語
王合位於三五蓋由此術云

賈疏國語云王合位於三五者謂武王伐紂之

時歲在鵠大月在天駟日在析木之津辰在斗柄星在天元引之者證經五者各於其位

賈氏

公彥曰十有二歲謂太歲左行於地十二辰一歲移
一辰也十有二月謂斗柄月建一辰十二月而周也
十有二辰謂子丑寅卯等十日謂甲乙丙丁等二十
八星謂東方角亢氐房心尾箕北方斗牛等也指星

體而言謂之星日月會於其星卽名宿亦名辰亦名

次

案爾雅十干爲歲陽十二支爲歲陰天官書歲陰在寅歲星居丑索隱以爲太歲在寅則太歲卽歲

陰歲陰卽地支疏所謂行於地者謂地支也

位者總五者皆有位處也

通論王氏詳說曰在天有歲星在地有太歲歲星右

行大歲左行在斗曰星紀女曰玄枵危曰娵訾奎曰

降婁胃曰大梁畢曰實沈井曰鶉首柳曰鶉火軫曰

鶉尾氐曰壽星心曰大火箕曰析木此所謂歲星右

行也在寅曰攝提格卯曰單閼辰曰執徐巳曰大荒

落午曰敦牂未曰協洽申曰涒灘酉曰作噩戌曰閹
茂亥曰大淵獻子曰困敦丑曰赤奮若此所謂太歲
左行也左行者自東而南而西而北右行者自北而
西而南而東日之行右轉月之建左旋是也天道左
旋而經星從之日體右轉而歲星從之

案大歲十二年一周木星行天亦十二年一周有似
太歲故名歲星是歲星因大歲而得名而大歲究無
與於歲星也此節掌十有二歲專屬大歲後保章氏

以十有二歲之相專言歲星舊說多未分明

冬夏致日春秋致月以辨四時之敘

正義鄭氏康成曰冬至日在牽牛景丈三尺夏至日

在東井景尺五寸

賈疏大司徒職日至之景尺有五寸謂之地中從夏至後差之至冬

至得丈三尺景又按天文志春分日在婁而此長短

畧中立八尺之表而畧景長七尺三寸六分

賈疏昭四年左傳申豐辭

春

分日在婁秋分日在角而月弦於牽牛東井

賈疏春分日在

婁月上弦在東井圓於角下弦於牽牛秋分日在角月上弦於牽牛圓於婁下弦於東井故注并言月弦

於牽牛東井不言
圓望義可知也

亦以其景知氣至不春秋冬夏氣

皆至則是四時之敘正矣

通論陸氏佃曰黃道北至東井南至牽牛東至角西
至婁夏至日在東井而北近極星則晷短表景尺五
寸冬至日在牽牛而南遠極星則晷長表景丈三尺
春分日在婁秋分日在角而中於極星則晷長短中
表景七尺三寸日陽也陽用事則日進而北晝進而
長陽勝故爲溫爲暑陰用事則日退而南晝退而短

陰勝故爲涼爲寒月之九行在東西南北有青白赤
黑道各二而出於黃道之旁立春春分月東循青道
而春分上弦在東井立秋秋分月西循白道而秋分
上弦在牽牛立冬冬至北旋黑道立夏夏至南從赤
道古之致月不在二至而常在二分不在二分之望
而常在弦者以月入八日與不盡八日得陰陽之正
平故也

案致日致月卽虞書敬致之義也日行出入於赤道

有北至南至之殊月行出入於黃道有陰歷陽歷之分夫冬夏致日注義盡之矣而致月必於春秋者蓋春秋二分當黃赤二道之交此時測月之弦望可得陰陽歷之真度而氣之至不至可知矣

保章氏掌天星以志星辰日月之變動以觀天下之遷
辨其吉凶

正義鄭氏康成曰志古文識識記也星謂五星

賈疏東方

歲南方熒惑西方大白北方辰中央鎮星

辰日月所會

賈疏左傳士文伯對晉侯之辭

五

星有贏縮圜角

賈疏贏縮者天文志歲星所在其國不可以伐超舍而前出曰贏贏爲客

晚出爲縮縮爲主人故人有言曰天下太平五星循度亡有逆行日不蝕朔月不蝕望圜角者星備云五星更王相休廢其色不同王則光芒相則內實休則光芒無角不動搖廢則少光色又云立春歲星王七十二日其色有白光角芒土王三月十八日其色黃而大休則圓廢則內虛立夏熒惑王七十二日色赤角黃土王六月十八日其色黃而大立秋大白王七十二日光芒無角土王九月十八日其色黃而大立冬辰星王七十二日其色白芒角土王十二月十八日其色黃而大星當王相不芒角其邦大弱強國削地大弱失國亡土也案五星行有定度決不能有頃而無逆至日不蝕朔月不蝕望乃推步之疏非闕

太平與否

日有薄食暈珥月有盈虧眊側匿之變

賈疏尚書五行

傳晦而月見西方謂之朏朔而月見東方謂之側匿
側匿則侯王其肅朏則侯王其舒 案此亦推步之

疏晦朔

移耳 七者右行列舍天下禍福變移所在皆見焉

賈疏謂日月五星皆右行於天留頓伏逆以見吉凶
經言辰注直釋辰名不解辰之禍福者辰與二十八
星隨天左行非
所以見吉凶也 易氏祓曰志日月星辰之變動而

獨言掌天星者步占之法以星為主以天象言則爲
變動以人事言則爲遷兩者相參斯辨吉凶矣 王
氏應電曰天星者經星也占候以經星爲體而七政
流行雲物變見於是占之故曰掌天星也

案天星當兼經星緯星而言如恒星不見或動搖五星有陵犯或失行此其變動也日月之變動謂食暈摩盪之類舊說俱未該史記五星無出而不反逆行則逆亦常也月之盈虧朏側匿本非失度則漢時尚未有知其法者志星辰日月之變動察天象之咎徵也觀天下之遷考人事之轉移也必參以人事然後吉凶可判

如熒惑守心
退度之類

先星辰於日月者所掌天

星也致日致月者馮相氏掌十輝之法者眡祲而保

章氏兼掌其變動何也凡日月之變動必以所歷分星之度爲占

通論賈氏公彥曰馮相氏掌日月星辰常度此官掌日月星辰變動與常不同以見吉凶之事

存疑黃氏度曰遷猶變也變則其占不可常梓慎占孛曰夏數得天火作宋衛陳鄭當之占歲曰歲在星紀而淫於亥枵蛇乘龍宋鄭必饑裨竈云歲棄其次而旅於明年之次以害烏帑周楚惡之星孛於大辰

而占在宋衛陳鄭失次在星紀而占在宋鄭周楚是皆所謂遷也其後崔浩占熒惑亦曰星亡必以庚辛秦也是當入秦此猶得古人遺法

以星土辨九州之地所封封域皆有分星以觀妖祥

分奉

運反

正義鄭氏康成曰星土星所主土也封猶界也鄭司

農云春秋傳參爲晉星商主大火

賈疏案昭元年左傳鄭子產云辰為

商星參為晉星又襄九年左傳辰為商主大火

國語歲之所在則我周之分

野之屬是也某謂大界則曰九州州中諸國之封域
於星亦有分焉其書亡矣堪輿雖有郡國所入度非
古數也今其存可言者十二次之分也星紀吳越也
玄枵齊也娵訾衛也降婁魯也大梁趙也實沈晉也
鶉首秦也鶉火周也鶉尾楚也壽星鄭也大火宋也
析木燕也

賈疏吳越在南齊魯在東歲星或北或西
不依國地所在者此古之受封之月歲星

所在之辰

屬焉耳

此分野之妖祥主用客星彗孛之氣爲象

賈疏昭十七年冬有星孛於大辰公羊傳孛者何彗
星也何休注孛者邪亂之氣埽故置新之象左傳

申繻曰彗所以除舊布新如是彗字一也言客星者彗非位奔竇而入他辰者也 案客星如天官書所載國皇昭明之類非彗之奔竇而入他辰者觀注先言客星而後言彗字可見

通論孔氏穎達曰諸侯祭其分野之星在地之土各有天上之分見於春秋傳者云商主大火參爲晉星龍宋鄭之星則蒼龍之方有宋鄭之分也以害鳥帑楚周惡之則朱鳥之方有周楚之分也四月日食魯衛惡之則春分之日在魯衛之分也歲在顓帝之虛姜任實守其地則於時歲星在齊薛之分也越得歲

而吳伐之凶則於時歲星在吳越之分也晉語實沈之虛晉人是居周語歲在鶉火我有周之分野以九州當十二次周禮雖云皆有分星不知其始誰實分之星紀在於東北吳越實在東南魯衛東方諸侯遙屬戌亥之次又三家分晉方始有趙而韓魏無分趙獨有之漢書地理志分郡國以配諸次其地分或多或少鶉首極多鶉火甚狹徒以相傳爲說其源不可得而聞也易氏祓曰考之傳記災祥所應多不誣

者然亦有可疑焉武王伐殷歲在鶉火伶州鳩曰歲之所在我有周之分野蓋指鶉火爲西周豐岐之地今乃以當洛陽之東周周平王以豐岐之地賜秦襄公而其分星乃謂之鶉首如燕在北而配以東方之析木曾在東而配以西方之降婁秦居西北而鶉首次於西南吳越居東南而星紀次於東北此皆稽之分野有不合者賈氏以古者受封之月歲星所在之辰以爲分次則春秋戰國之諸侯以之占妖祥可也

後世占分野而妖祥亦應豈皆古者受封之辰乎

存疑賈氏公彥曰此論北斗及二十八宿所主九州及諸國封域之妖祥所在之事故云以星土也辨九州之地據北斗而言所封封域據二十八星而言皆有分星總解九州諸國也又按春秋緯文耀鉤云布度定記分州繫象華岐以西龍門積石至三危之野雍州屬魁星大行以東至碣石王屋砥柱冀州屬樞星三河雷澤東至海岱以北兗州青州屬機星蒙山

以東至南江會稽震澤徐州揚州屬權星大別以東
至雷澤九江荊州屬衡星荆山西南至岷山北嶇鳥
鼠梁州屬開星外方熊耳至泗水陪尾豫州屬搖星
此九州屬北斗星有七州有九但兗青徐揚并屬二
州故七星主九州也周之九州差之義亦可知 漢
書天文志角亢氐兗州房心豫州尾箕幽州斗江湖
牛女揚州虛危青州室壁并州奎婁胃徐州昴畢箕
州觜參益州井鬼雍州柳星張三河翼軫荊州

以十有二歲之相觀天下之妖祥

相息亮反

正義鄭氏鍔曰歲星光明潤澤赤而角則其國昌赤黃而沈其野大穰故以其色相觀妖祥 王氏昭禹

曰占其見之相有逆順盈縮伏見進退之不同而妖祥著於天下矣分星經星也故有所主之封域歲星緯星也無常主故以其相觀天下之妖祥

存疑鄭氏康成曰歲謂太歲

賈疏上已說五星訖以文次而推知非歲星乃

在地之太歲也

歲星與日同次之月斗所建之辰也歲星爲

陽右行於天大歲爲陰左行於地十二歲而小周其
妖祥之占廿氏歲星經其遺象也鄭司農云大歲所
在歲星所居

賈疏太歲所在亦是斗所建之辰下有太歲也歲星所居亦是歲星與日同次

之月也

春秋傳越得歲而吳伐之必受其凶之屬是也

賈疏昭三十二年左傳史墨語服注龍歲星也東方宿天德之貴神其在所之國必昌向之以兵則凶吳

越同次吳先

舉兵故凶

辨正易氏祓曰先鄭以歲爲太歲後鄭謂太歲所在
歲星所居二者竝行不悖然春秋所述妖祥則皆歲

星也襄二十八年歲在星紀而淫於玄枵是謂蛇乘
龍棗慎言其所屬以爲宋鄭必饑裨竈言其所衝以
爲周楚所惡非歲星乖次之所應乎昭三十二年歲
在星紀而吳伐越史墨以爲不及四十年越其有吳
以歲星十二年而一周存亡之數不過三紀非歲星
順次之所應乎保章氏言十二歲之相相有贏縮暈
角之變而妖祥應豈太歲可以竝言哉

以五雲之物辨吉凶水旱降豐荒之祲象

正義鄭氏康成曰物色也視日旁雲氣之色

賈疏眠視職所

眠皆日旁雲氣之色此亦云視象故注云然

案雲物隨所見而占之不必指定日旁

鄭氏

衆曰以二至二分觀雲氣青爲蟲白爲喪赤爲兵荒

黑爲水黃爲豐故春秋傳曰凡分至啓閉必書雲物

爲備故也

賈疏僖五年左傳

故曰凡此五物以詔救政王

氏昭禹曰氣謂之祲形謂之象降者下之於其國使

民知之先事而爲之備也

以十有二風察天地之和命乖別之妖祥

正義鄭氏康成曰十有二辰皆有風吹其律以知和

不其道亡矣春秋襄十八年楚師伐鄭師曠曰吾驟

歌北風又歌南風

賈疏服注北風無射夾鍾以北南風姑洗以南

南風不競

多死聲楚必無功是時楚師多凍其命乖別審矣

案經

言風指天地之風若律所吹之風則屬樂官然亦與天地之氣應知音者能辨之

賈氏公

彥曰案考異郵曰陽立於五極於九五九四十五且
變以陰合陽故八卦主八風相距各四十五日艮爲
條風震爲明庶風巽爲清明風離爲景風坤爲涼風

兌爲閭闔風乾爲不周風坎爲廣莫風清明立夏皆
云清明風是清明風主三月復主四月則四維之風
主兩月可知王氏昭禹曰艮爲條風而立春亦曰條
風巽爲清明風而立夏亦曰清明風坤
爲涼風而立秋亦曰涼風乾爲
不周風而立冬亦曰不周風 王氏安石曰命謂

名言之 鄭氏鏐曰不和爲乖不應爲別

案日月星辰居常而有變動則天下之大異也星土
之妖祥占在一國歲之相占在一歲五雲之物占在
一時十有二風月可占蓋以大小久近爲次

凡此五物者以詔救政訪序事

正義鄭氏康成曰訪謀也見其象則當預爲之備以詔王救其政且謀今年天時占象所宜次序其事

王氏安石曰詔以詔上訪以訪下救政凶荒之政序

事救政之事所當緩急先後

案救政不惟凶荒有之

案春秋傳梁山崩晉侯召伯宗伯宗問於重人而得其禮所謂訪序事

內史掌王之八枋之灋以詔王治一曰爵二曰祿三曰

廢四曰置五曰殺六曰生七曰予八曰奪

枋本又作柄
邦命反治直

吏反

下同

正義鄭氏康成曰大宰既以詔王內史又居中貳之
賈氏公彥曰大宰有誅無殺此有殺無誅者誅與
殺相因欲見過不止則殺之八者不與大宰次第同
者事起無常故不依本也

案大宰內史所掌八柄其次第各異何也大宰職先
吉而後凶此則各以兩者相對為次也爵祿之後繼

以廢置用舍明而後天位天祿無曠也廢置之後繼以生殺予奪賞罰行而後所廢所置競勸也先生殺而後予奪者輕重之倫也此八柄自然之次第也大宰所詔無殺者殺者不得已而用之大宰不可輕言也然云誅則亦該此矣內史掌其灋則務詳其實故直言殺也大宰詔王而內史詔王治則大宰必攷諸內史之灋以詔王而內史之兼詔大宰亦可見矣

唐宋以後有制詔已降而宰相封還辭頭者此正冢

宰之本職也有天子宰相成謀而給事中封駁者此
正內史之本職也蓋古法盪盡一二人偶徇行之故
衆以爲奇史書其事然下能言上能聽者不過千百
之十一耳周公列此爲典法使爲人君者皆知爲政
體之固然而坦乎不疑爲人臣者各知爲職守所當
然而無與分過也

執國灋及國令之貳以攷政事以逆會計

會古
外反

正義鄭氏康成曰國法六典八法八則 鄭氏鏐曰

法者一定之法令者一時之令內史皆執其貳與大
宰司會相參稽 王氏昭禹曰上以道制之而下守
之則爲法上以命使之而下稟之則爲令

掌敘事之濫受納訪以詔王聽治

正義鄭氏康成曰納訪納謀於王也 王氏昭禹曰
納謂納言於上若書所謂納言是也訪謂訪事於下
若書所謂王訪于箕子是也

存疑鄭氏康成曰敘六敘也六敘六曰以敘聽其情

案內史掌納訪而宰夫大僕御僕各掌復逆其職之
所以辨者何也諸職所謂逆即羣下所納之言也所
謂復即王所訪之事也大僕御僕分掌之以達於王
內史受之以察其當否然後以詔王治所治之事下
於宰夫則使羣吏奉行之官事非聯而實相首尾其
不關於冢宰何也凡治皆冢宰所贊則內史所詔王
必與冢宰參決可知矣注謂叙事即小宰之六敘非
也小宰以敘聽其情乃羣吏自以其情告於小宰此

所謂敘事之法則所納訪之事有大小緩急隨事斟酌次第發命無一定之叙故不曰叙事而曰叙事之灋也經於事之有定者皆直言叙事樂師凡樂掌其叙事饗食諸侯叙其樂事大胥敘宮中之事是也凡命諸侯及孤卿大夫則策命之

正義鄭氏衆曰春秋傳王命內史興父策命晉侯爲侯伯其文曰王謂叔父敬服王命以綏四國糾逖王慝晉侯三辭從命受策以出

賈疏傳二十八年左傳

策謂以簡

策書王命 賈氏公彥曰周濩爵及士亦內史命之
不言者略之也

案不及士者豈士卑且衆王不能一一親命或命而
不以策與詩曰韓侯受命王親命之則命有不親者
矣王氏與之謂大夫出封加命爲子男故得策命不
知大夫四命受器自宜策命非以出封故也

凡四方之事書內史讀之

正義鄭氏康成曰若今尚書入省事

賈疏漢濩奏事
讀之故舉以爲

況

賈氏公彥曰諸侯有書奏白於王內史讀示王案不曰讀四方之事書而曰凡四方之事書內史讀之者曰讀四方之事書則似內史自讀之曰凡四方之事書內史讀之則知內史之讀爲王之聽之矣王制祿則贊爲之以方出之賞賜亦如之

正義鄭氏康成曰贊爲之爲之辭也王制王之三公視公侯卿視伯大夫視子男元士視附庸鄭氏衆曰以方出之以方版書而出之王氏應電曰制祿

者司祿內史則主贊之賞賜大則司勳之賞地小則玉府內府之好賜賜予是也

內史掌書王命遂貳之

正義鄭氏康成曰副寫藏之

賈疏王有詔敕則副寫一通藏之以待勘校也

案覆舉內史見親其事而非付之屬史也

小史職大祭祀讀禮

法史以書叙昭穆之俎簋則其屬史

王之命內史親受而書之且貳之

則矯假以爲不信者孰敢萌其慮哉漢唐以後中使口銜天憲以亂國常則內史之職失耳

外史掌書外令

正義鄭氏康成曰王令下畿外

賈疏凡言四方及外者據畿外而言

王氏應電曰令下於諸侯若徵守起軍旅也

案命乃王所黜陟因革政事之大者令則發徵期會
禁戒政事之小者

掌四方之志

正義鄭氏康成曰志記也謂若魯之春秋晉之乘楚
之檇杙鄭氏鍔曰四方之志若齊語魯語晉志鄭

志之類 劉氏彝曰四方之志謂九州列國四海百
蠻世系之所自出分封之所由始朝貢之斷續政教
之從違禮樂之更革俗尚之醜好若土均土訓誦訓
之所職皆爲志以藏之以待王之顧問

掌三皇五帝之書

正義鄭氏康成曰左傳所謂三墳五典

賈疏昭十二年左傳楚靈

王謂左史倚相能讀三墳五典八索九丘 孔氏安國曰伏羲神農黃帝之書謂之三墳少昊顓頊高辛

唐虞之書謂之五典

賈氏公彥曰三皇時無文有文字後仰

錄三皇時事也

存疑賈氏公彥曰世本蒼頡造文字蒼頡黃帝之史
則文字始於黃帝 李氏嘉會曰夏殷周所紀兼掌
可知

掌達書名於四方

正義鄭氏康成曰謂若堯典禹貢達此名使知之或

曰古曰名今曰字

賈疏古者文字少直曰名後代文字多則曰字字者滋也

使四

方知書之文字得能讀之 賈氏公彥曰聘禮記百

名以上書之於策不及百名書之於方 王氏安石
曰書名者字也字所以正名百物故謂之名

通論鄭氏鏐曰四方言語不同上世音讀與後世亦
異欲使天下誦讀無東西南北之訛無古今之異則
書名不可以不達大行人九歲諭書名蓋外史達之
九歲之久慮其不一又使行人往諭之

若以書使于四方則書其令

使所
吏反

正義鄭氏康成曰書王令以授使者 王氏昭禹曰

以外史掌外令故也

案凡聘覲之常不皆有書或命以事或有所訪詰而後有書故書其令使後有攷也不覆舉外史此令輕異於王命之必內史親書也不貳之亦以所令輕也虎賁職奉書以使於四方

御史掌邦國都鄙及萬民之治令以贊冢宰

正義鄭氏康成曰王所以治之令冢宰掌王治王氏昭禹曰治則大宰主之其令則御史掌之故以贊

冢宰爲職

案治令之出冢宰贊王復設御史以贊冢宰惟恐有偏側缺失得以補察也以禮官之屬贊治官者六典八法八則大史與冢宰共建之惟御史習其儀法察其義類又王之治法史必書之也

辨正王氏志長曰魏氏校以後世御史專主諫諍以居於王所可繩愆糾繆按之經文殊無此義古者師箴瞽誦百工諫士傳言庶人謗無人不作其敢言之

氣而天子亦莫不虛已受之又何事專立一官冢宰兼總六官贊王治御史爲天子近臣凡治者受法令焉則一切張弛操縱皆得與議所以爲贊冢宰也凡治者受灋令焉

正義鄭氏康成曰爲書寫其治之法令來受則授之賈氏公彥曰凡外內官所有治職皆御史書王之法令以授之

案凡王之治令及冢宰所掌成法施於邦國都鄙萬

民者皆御史布之故凡治者受焉

掌贊書

正義鄭氏康成曰王有命當以書致之則贊爲辭若
今尚書作詔文

案五官法令其長得自布書之者各官之史耳惟治
令必稟於王然後下於六官萬民邦國故御史贊書
贊書謂書凡治者所受之法令也故置員多其史
至百有二十人

凡數從政者

數所主反

正義鄭氏康成曰自公卿以下至胥徒凡數及其見
在空缺者 鄭氏鍔曰數則以小數計之凡則以總
計之知其凡數則官之冗省可知



欽定周官義疏卷二十六

萬曆九年
金華縣志
序

覆校官庶吉士臣茅元銘

校對官檢討臣龔大萬

謄錄監生臣張子誠

欽定四庫全書薈要

經部

欽定周官義疏卷二十七




詳校官編修臣程嘉謨

欽定四庫全書薈要卷二千三百九十

經部

欽定周官義疏卷二十七

春官宗伯第三之十一

 掌公車之政令辨其用與其旗物而等叙之以治其出入

正義鄭氏康成曰公猶官也用謂祀賓之屬旗物大常以下等叙之以封同姓異姓之次序賈氏公彥曰出入謂若下文凡車之出入則會之冬官造車訖

來入巾車又當出封同姓之等皆是也 王氏安石

曰等其上下叙其先後 王氏應電曰當用則出而

共之已用則入而藏之至於服車五乘或始命而賜之或已命而乘者亦當辨之與凡會計之事皆所謂政令

王之五路一曰玉路錫樊纓十有再就建大常十有二

旂以祀

錫音陽樊步干反旂音流一音游

正義鄭氏康成曰王在焉曰路

賈疏若路門路寢路車路馬皆稱路路大

也王之所在
故以大為名
玉路以玉飾諸末
賈疏凡車上之材於末頭飾以玉金象皆

然案玉金象之飾當在較式之兩端以其在上而為手所馮則貴也或軹之接於較輶之接於式者亦

飾之與錫馬面當盧刻金為之所謂鏤錫也
賈疏眉上曰錫故知

當額盧韓奕詩鈞膺鏤錫樊讀如鞶帶之鞶
賈疏易訟卦上謂今九或錫之鞶帶

馬大帶也纓今馬鞅
賈疏纓夾馬頸故以今馬鞅解之
玉路之樊及

纓皆以五采屬飾之十二就就成也
賈疏爾雅羴屬也注毛羴所以

為屬如是屬染毛為之案典瑞職鎮圭大常九旗之

纁五采五就則知王者就飾用五采
畫日月者
賈疏司常職日月為常是也
正幅為綦旂則屬馬
賈疏正幅

為繆爾雅文知旂則屬焉者爾雅云纁帛繆練旂九
繆旂用物不同旂又有數明知別屬也 案旂旌旗
之末垂也爾雅郭
注繆衆旂所著

案此職及司常大司馬皆曰王建大常則諸侯以下
不得建明矣而大行人九旂七旂五旂皆曰建常何
也旗常者徽幟之通稱也故司常掌九旗之物名而
統之曰常春秋傳三辰旂旗昭其明也大常而外無
畫三辰者而統之曰旗則知旗常可互稱而大常則
惟天子得建之矣

存疑鄭氏衆曰纓謂當胸士喪禮下篇曰馬纓三就

禮家說曰纓當胸以削革為之三就三重三匝也

金路鉤樊纓九就建大旂以賓同姓以封

注故書鉤為拘杜子春讀

為鉤

正義鄭氏康成曰金路以金飾諸末鉤婁領之鉤也

賈疏詩云鉤膺鏤錫鉤連言膺明鉤在膺前是馬婁領也

金路無錫有鉤亦以金

為之

賈疏玉路云錫金路云鉤明金路無錫上得無下則玉路無有鉤可知

其樊及纓

以五采罽飾之而九成

賈疏亦如上一采罽為一成凡九就九成也

大旂

九旗之畫交龍者

賈疏見司常職

以賓以會賓客

賈疏齊右會同賓客

前齊車至於載主亦同焉

同姓以封謂王子母弟率以功德出封

為侯伯若魯衛之屬

賈疏周法二王之後為公同姓侯伯而已

其無功德

各以親疎食采畿內而已

案同姓惟虞亦稱公豈以其先世讓德崇以不臣之

禮與

賈氏公彥曰周人先同姓得賜金路玉路以祭

祀故不可分賜

案玉路非諸侯所得乘二王之後修其禮物作賓王家車服各從先代觀詩歌白馬則乘殷路可知故金

路以封同姓魯衛皆侯則無公爵可知注以同姓為侯伯是也

存疑賈氏公彥曰曾子問天子巡守以遷廟主行載於齊車注齊車金路若王弔亦乘金路士喪禮注君弔蓋乘象路謂得金路之賜者弔時降一等乘象路明王有玉路弔時降一等乘金路可知

象路朱樊纓七就建大赤以朝異姓以封

正義鄭氏康成曰象路以象飾諸末

王氏昭禹曰以象齒

象路

無鉤以朱飾勒而已

賈疏按下文革路云龍勒明知此朱同為飾勒也

其樊

及纓以五采屬飾之而七成大赤九旗之通帛

賈疏見司

常以朝以日視朝

賈疏三朝皆乘之按司常道車建職鄭注道車象路也王以朝夕燕

出入乘象路則建旌若在朝廷則建大赤其車則同也

異姓王甥舅

賈疏若陳國杞國

通論陳氏祥道曰以異姓對庶姓則庶姓別於異姓以異姓對同姓則庶姓亦異姓而已司儀土揖庶姓時揖異姓異姓姻也庶姓非姻也

革路龍勒條纓五就建大白以即戎以封四衛

龍如字戚音厖

條依注作條他刀
反條下當有樊字

正義鄭氏康成曰革路鞵以革而漆之無他飾

賈疏玉路

金路象路皆以革鞵更有玉金象為飾革路無他飾故直曰革路

龍駟也以白黑飾

韋雜色為勒條讀為條其樊及纓以條綵飾之而五

成不言樊字盖脫耳以此言條知玉路金路象路飾

樊纓皆不用玉金象矣

賈疏上玉路鞵纓十有二就馬氏以為旄牛尾金塗十二

重故微破之也

大白殷之旗猶周之大赤盖象正色也

賈疏周以

十一月為正物萌色赤殷以十月為正物牙色白是象正色即戎謂兵事四衛四

方諸侯守衛者蠻服以內

辨正王氏志長曰鄭氏答趙商謂王親將載大常若會事或勞師不親將則建大白非也革路即戎正指王在軍時白者西方之色奉天道肅殺之令以行天討故建大白田雖戎事然奉祭祀故建大常下經又曰田建大麾者其別建之以壯軍容與案田建大麾與司馬職異者豈出入在途及列陣皆載大常而國禁則建大麾與

木路前樊鵠纓建大麾以田以封蕃國

前依注作翦子顯反鵠戶篤反

正義鄭氏康成曰木路不鞮以革

賈疏以其言木則木上無革可知

漆之而已

賈疏下喪車尚有漆則吉車可知

前讀為緇翦之翦翦淺

黑色

賈疏既夕禮緇翦有幅鄭注翦淺也此前亦取淺意故讀從之

木路無龍勒以

淺黑飾韋為樊鵠色飾韋為纓不言就數飾與革路

同田四時田獵蕃國謂九州之外夷服鎮服蕃服

賈疏

司馬職要服已內為九州其外更有夷鎮蕃三服總而言之皆號蕃國

王氏詳說曰

鵠纓亦五就蕃國爵不過子男五命其五就宜矣

案曰同姓以封異姓以封曰以封四衛以封蕃國順

逆其辭者何也金路不獨以封同姓

如太公封齊宜以金路

而

同姓之封為多象路不獨以封異姓

如霍叔復位蔡仲續封宜以象

路

而異姓之封為多故不得為必然之詞若革路則

惟以封四衛木路則惟以封蕃國也

通論賈氏公彥曰凡五等諸侯所得路在國祭祀及

朝天子皆乘之但朝時乘至天子館則舍之於館覲

禮記偏駕不入王門謂舍之於客館乘墨車龍旂以

朝鄭注在旁與已同曰偏若兩諸侯自相朝亦應乘

之若齊弔及朝并朝夕燕出入可降一等若在軍皆乘廣車若以田以鄙則乘木路也 鄭氏鐸曰以顧命證之玉路一曰大路金路一曰先路象路次金路革路次象路故同謂之次路木路最後綴於諸路之後故曰綴路

存疑陳氏傳良曰郊特牲大路繁纓一就先路三就次路五就其商制與所謂大路即周官木路商以大路為尊次路為下故樊纓自一推而至於五則為禮

之殺貴其樸也周以玉路為先木路為後其樊纓自
十二損而至於五則為禮之殺蓋貴其文也 王氏
應電曰案五路樊纓十有二就九就七就五就之異
旗則稱大旂大赤大白大麾而不言其旂之數者蓋
蒙大常之制旗旂皆十二故皆貫之以大猶天子五
服之章雖異而冕皆十二旒諸侯自當有辨也

王后之五路重翟錫面朱總厭翟勒面續總安車彫面

鷩總皆有容蓋

重直龍反錫音陽厭奄接反總作孔反
張參云字作總石經亦作總續戶對反

鷺鳥兮反注故書朱總為緄鷺或作繫鄭司農云緄當為總書亦或為總鷺讀為鳬鷺之鷺

正義鄭氏康成曰重翟重翟雉之羽也

賈疏凡言翟者皆謂翟鳥

之羽以為兩旁之蔽言重翟者皆二重

厭翟次其羽使相迫也

賈疏謂相次以

厭其本下翟車則不厭也

勒面謂以如王龍勒之韋為當面飾也

賈疏上龍勒不言面此勒言面則所施之處不同上言勒者馬之轡飾不在面此言勒面則在面也

彫

者畫之不龍其韋安車坐乘車凡婦人皆坐乘

賈疏曲禮

婦人不立乘王后五路皆坐乘獨此得安車名者以餘有重翟厭翟等名此無異物可稱故也

鄭司

農云鷺讀為鳬鷺之鷺

賈疏見詩大雅鳬鷺篇

鷺總者青黑色

以繒為之總著馬勒直兩耳與兩鑣

賈疏鷺者取鳥之鷺色青黑為

義知繒為之著馬勒直兩耳與兩鑣者舉當時以況古也

容為檐車山東謂之裳

帷或曰潼容

賈疏昏禮婦車有袂注云袂車裳帷周禮謂之容又衛詩云漸車帷裳毛氏亦

曰潼容是容潼容與檐及裳帷為一物也

其謂朱總績總其施之如鷺總

車衡轡亦宜有焉績畫文也蓋如今小車蓋也皆有

容有益則重翟厭翟謂蔽也

賈疏蓋以表尊亦以禦雨故三者皆有容有益

馬氏等以重翟為蓋若重翟厭翟是蓋何須下文云皆有容蓋乎故破為蔽

重翟后從王

祭祀所乘厭翟后從王賓饗諸侯所乘安車無蔽后

朝見於王所乘謂去飾也

賈疏安車不言翟明無蔽朝王質故去飾也

詩

國風碩人曰翟蔽以朝謂諸侯夫人始來乘翟蔽之車以朝見於君盛之也此翟蔽蓋厭翟也然則王后始來乘重翟乎 賈氏公彥曰案下翟車尊於安車而進安車在上者以翟車有幄無蓋安車重翟同無幄而有容蓋也 王氏志長曰容謂車帷施於旁者蓋謂車蓋施於上者

案雜記其輅有褱緇布裳帷士輅葦席以為屋蒲席

以為裳帷是褱與裳帷為二物褱在上而裳帷在下也士昏禮士喪禮皆言褱衛詩言帷裳各舉其一以見其全耳容則兼褱與裳帷而貴者之稱也康成謂褱於蓋弓垂之意裳帷但自較而下至軫褱則上屬蓋弓下垂過較如重檐然左右之廣如車而前不及式以御者當在所障之外也其裳帷之垂則於車箱內不掩其外士婦車以布則內子之褱與裳帷當以繒而后夫人之容可推矣

通論賈氏公彥曰王之三夫人與三公夫人同乘翟車九嬪與孤妻同乘夏篆二十七世婦與卿妻同乘夏縵女御與大夫妻同乘墨車士之妻嫁時攝盛亦乘墨車非嫁攝盛則乘棧車也諸侯已下夫人祭祀賓饗出桑朝君差之皆可知也若然諸侯夫人亦當有安車以朝君

翟車貝面組總有握

握劉音屋一音烏學反非

正義鄭氏康成曰翟車不重不厭以翟飾車之側爾

貝面貝飾勒之當面也

賈疏貝水物

有握則此無蓋矣

賈疏

蓋所以禦雨無握乃施之今既有握故知無蓋

如今駟車是也后所乘以出

桑

賈疏案月令三月薦鞠衣於先帝又后妃親桑於東郊二者皆乘翟車以薦鞠衣非祀親桑又非大

事故乘翟車也

賈氏公彥曰朱總纁總驚總皆以繒為之

組總則以組條為之總亦施於勒及兩耳兩鑣并車

衡轡焉 成氏伯璵曰旁曰帷上曰握

案握疑如帷幕幄帟之幄謂自較而上以穹者覆其頂也故注云有握則無蓋矣握之下亦如裳帷與

輦車組輓有翬羽蓋

輓音晚

正義鄭氏康成曰輦車不言飾

賈疏以經不言輦又不言面總之類是無

飾也

后居宮中從容所乘但漆之而已為輅輪人輓之

以行

賈疏案雜記注引許氏說文有輅曰輪無輻曰輅則人輓行者皆無輻又雜記注輅崇蓋半乘

車之輪乘車高六尺六寸則此當三尺三寸

有翬所以禦風塵

賈疏翬即扇也扇所

以為障蔽亦所以禦風塵

以羽作小蓋為翬日也

王氏志長曰

案爾雅大扇謂之翬

陳氏祥道曰五路言輦言車

而不言路二翟言翟而不言車者不言路避王也不

言車車不足以名之也孤言夏篆卿言夏縵至墨車已下然後言車是亦飾盛者以飾名飾殺者以車名也

案翬與羽蓋皆人執之而傍車以行者

存疑鄭氏鶚曰衣褱衣則乘重翟衣褕狄闕狄則乘厭翟衣展衣則乘安車衣鞠衣則乘翟車衣祿衣則乘輦車

王之喪車五乘木車蒲蔽犬禭尾橐疏飾小服皆疏

繩乘

證反下同禭莫歷反橐音羔
劉姑道反注故書疏為攝

正義鄭氏康成曰木車不漆者

賈疏上文木路對革路有革又有漆則木

路惟有漆據吉時而言此木路對禪始有漆則不漆可知

鄭司農云蒲蔽謂羸蘭

車

賈疏漢時有羸長蘭乘不善之車故舉以說之

以蒲為蔽天子喪服之車

漢儀亦然犬禭以犬皮為覆苓

賈疏古者男子立乘須馮軾軾上須皮覆

之故云

某謂蔽車旁禦風塵者犬白犬皮

賈疏以喪無飾明用

犬禭

犬之白者士喪記主人乘惡車白狗幣是也

既以皮為覆苓又以其尾為

戈戟之弋

賈疏橐則弋也

麤布飾二物之側為之緣若攝服

云賈疏按喪服齊衰以下皆稱疏在禮凡言疏布者據大功布而言此以八升布為二物之緣也既夕

記貳車白狗攝服注攝猶緣也狗皮服讀為箴小箴緣服差飾引之者證二物為緣之事

刀劍短兵之衣

賈疏小箴即既夕記主人乘惡車白狗臂蒲蔽犬服注云箴間兵服以犬

皮為之是也此始遭喪所乘為君之道尚微防姦也書曰

以虎賁百人逆子釗

賈疏書周書顧命篇

亦為備焉

通論賈氏公彥曰士喪禮主人乘惡車注引雜記端

衰喪車皆無等然則此惡車王喪之木車也是尊卑

同也

素車焚蔽犬禭素飾小服皆素

焚奉云反注
讀為煩音煩

正義鄭氏康成曰素車以白土堊車也

賈疏按爾雅地謂之黝牆

謂之堊堊謂以白土為飾則此素車亦白土為飾可知

焚讀為煩煩麻以為蔽

其禭服以素繒為緣此卒哭所乘

賈疏士虞記卒哭丈夫說經帶於廟

門外婦人說首經不說帶是卒哭變服變服即易車

為君之道益著在車可以

去戈戟 王氏安石曰素車蔽禭服皆素則少變而

飾以素不皆疏矣

存疑黃氏度曰素車素飾不言尾纛因上文言小服

皆素則尾縻可知漢文帝遺詔無布車及兵器其制至漢猶在藻車以下不言小服則如常車施革駢車又漸漆矣

藻車藻蔽鹿淺禊革飾

藻藻同音早注故書藻作輶

正義鄭氏康成曰藻水草蒼色以蒼土塗車鹿淺禊以鹿夏皮為覆苓

賈疏夏時鹿毛新生為淺毛

又以所治去毛者

緣之

賈疏去毛曰革

此既練所乘

辨正王氏應電曰注旂為麻布藻為蒼繒按下駟車

始以葦為蔽今若用麻布與蒼繒則反精矣蓋即編
煩麻與水草以為蔽耳

駝車藿蔽然禎髮飾

駝莫江反藿音凡髮香求反

正義鄭氏康成曰駝車邊側有漆飾也

賈疏下文漆車全有漆則

此未全漆故知邊側少有漆也

藿細葦席也以為蔽者漆則成藩

賈疏

下文藩蔽即因此蔽而漆之

即吉也然果然也

賈疏果然獸名

髮赤多黑

少之色韋也此大祥所乘 王氏安石曰髮與雀不

言物蓋如藻車用韋

漆車藩蔽紆禴雀飾

紆午旦反

正義鄭氏康成曰漆車黑車也

賈疏凡漆不言色者皆黑故大夫所乘墨

車直以黑名

藩今時小車藩漆席以為之紆胡犬雀黑多

赤少之色韋也

賈疏雀頭黑多赤少雀即鵲也

此僇所乘

劉氏彛

曰三年之喪皆乘惡車謂木車也齊衰皆乘素車大

功皆乘藻車小功皆乘駟車總乘漆車

賈氏公彥

曰下文大夫乘墨車士乘棧車皆吉時所乘之車既言天子至士喪車五乘尊卑等則大夫士禫亦得乘

漆車所以大夫士禪即乘漆車與吉同者禮窮則同也

存疑王氏志長曰疏謂大夫士禪皆得乘漆車則大夫禪與吉同已不可至於士平日乘棧車禪得乘漆車是士禪所乘反精於平日矣而可乎

案棧車不革輓但漆之則棧車亦名漆車此於士為吉車在王則為第五等之喪車也喪車無等則尊卑同然亦大概之言非必士大夫遂備五乘賈氏依次

比之則士禪所乘與吉車同亦不得不然者無庸苛論也詳見士喪記

服車五乘孤乘夏篆卿乘夏縵大夫乘墨車士乘棧車

庶人乘役車

孤乘已下並如字篆直轉反縵莫干反棧仕版反

正義鄭氏康成曰服車服事者之車

賈疏孤卿以下皆輔佐之臣服

事於上鄭司農云篆或讀為圭瑑之瑑夏篆轂有約也

某謂夏篆五米畫轂約也夏縵亦五米畫無瑑爾

賈疏

言縵者亦如縵帛無文章故云無瑑也以其瑑為轂約則言縵者無約也

墨車不畫也

賈疏

言墨漆革車而已故知不畫也

棧車不革輓而漆之

賈疏考工記輿人棧車欲奔是

不革輓者也知士車有漆飾者案唐傳云古之帝王必有命民於其君得命然後得乘飾車駢馬衣文駢

錦注云飾漆之駢併也是其事

役車方箱可載任器以供役

賈疏案考工記

乘車田車橫廣前後短大車柏車羊車皆方故知役車亦方箱

賈氏公彥曰庶人

以力役為事故名車為役車

通論賈氏公彥曰此尋常所乘士昏禮親迎攝盛主

人乘墨車婦車亦如之有褱為異耳孤卿已下不見

婦人車者與夫同也 王氏詳說曰周官不載三公

之車服下同於孤也 王氏安石曰棧車則無飾矣

考工記棧車欲弇飾車欲侈墨車以上皆飾車也

凡良車散車不在等者其用無常

正義鄭氏康成曰給遊燕及恩惠之賜不在等者謂

若今輜車後戶之屬作之有功有沽

賈疏漢時輜車與古者從軍所

載輜重財貨之車皆車後開戶精作為功則曰良麤作為沽則曰散

易氏袞曰不在

等者非特恩賜亦或以共在公之役使

凡車之出入歲終則會之

會古外反

正義鄭氏康成曰計其完敗多少 賈氏公彥曰出

謂出給官用入謂用罷歸官

凡賜闕之

正義鄭氏康成曰完敗不計 賈氏公彥曰賜後完
敗隨彼在官不須復知故闕之不計會

毀折入齎于職幣

正義鄭氏康成曰計所傷敗入其直杜子春云齎讀
為資資謂財也乘官車毀折者入財以償繕治之直

賈氏公彥曰職幣主受給官物所用之餘此財物亦授之職幣還與冬官繕治之黃氏度曰戒其不謹毀敗公物

大喪飾遣車遂廡之行之

遣漢現反

正義鄭氏康成曰廡興也謂陳駕之

賈疏案下車僕職大喪廡革車

彼廡謂作之此言飾遣車已是作更言遂廡之故以陳駕解廡也

行之使人以次舉

之以如墓也遣車一曰鸞車

賈疏以遣車亦有鸞鈴故也冢人職及葬言鸞

車象人

案疏謂還以金象革飾之非也彼工官之事巾車所

掌謂設障蔽耳

雜記遣車四面有障

職中有工百人乃為容蓋

幄蔽之屬

及葬執蓋從車持旌

正義鄭氏康成曰從車隨柩路持蓋與旌者王平生

時車建旌雨則有蓋今蜃車無蓋執而隨之

賈疏既設帷荒

不得設蓋故執而隨之

象生時有也所執者銘旌

賈氏公彥

曰巾車持旌在從車之前而文在下者以執蓋是巾

車職因言持旌耳非謂持旌亦從車也

存疑賈氏公彥曰既夕禮祝取銘置於茵茵既行在
柩車前明銘旌亦與茵同在車前可知也

案不曰執蓋持旌從車而別起持旌之文於執蓋後
者明執蓋者後從而持旌者前導也柩車無他旌注
以為銘旌是也此云持旌則與士喪之置於茵者異
蓋王喪未可以士禮一律論之且杠之長短迴殊非
可卧置者

及墓嘯啓闕陳車

嘯音呼

正義鄭氏康成曰闕墓門也車貳車也

賈疏知是貳車者以遺車

在明器之中案既夕禮陳明器在道東西北上此不言明器而別陳車是貳車可知

士喪禮下

篇曰車至道左北面立東上

賈疏士無貳車惟據乘車道車橐車三乘王則

象生時當別有貳車十二乘然則所陳車非止貳車注直舉士喪禮不見者而言耳

小喪共匱路與其飾

正義鄭氏康成曰匱路載柩車也

賈疏即蜃車也飾棺飾也

賈疏惟荒柳嬰池紐之屬

賈氏公彥曰上言大喪據王不別言后

世子則此小喪中可以兼之

案小喪羣王子三夫人以下亦存焉。廬路當自外來而巾車共之者其職掌公車之政令而等叙之以治其出入則廬車亦必入於巾車而後以共也。小喪如此則大喪不待言矣。

歲時更續共其弊車

注故書更續為受讀杜子春云當為更續

正義鄭氏康成曰更易其舊續續其不任用

賈疏更謂車雖

未破日久舊壞更易以新者續謂雖未經久有破壞不中用者復以新車續之

更授新車則

取其弊車共於車人材或有中用之

大祭祀鳴鈴以應雞人

注故書鈴或作鈴
杜子春云當為鈴

正義鄭氏康成曰雞人主呼旦鳴鈴以和之聲且警
衆必使鳴鈴者車有和鸞相應和之象 歐陽氏謙
之曰雞人呼旦巾車鳴鈴以應之示車已夙駕也巾
車已駕則王不敢緩於登車之節况執事者乎

通論王氏應電曰車之為器至重故周官特設巾車
以掌公車之政令典路掌王車之駕車僕掌兵車之

萃各分其職所以志專而事辨也巾車兼統之故其秩為下大夫

典路掌王及后之五路辨其名物與其用說

說吐活反一書銳反

正義鄭氏康成曰用謂將有朝祀之事而駕之鄭

氏衆曰說謂舍車也春秋傳雞鳴而駕日中而說賈疏

宣十二年左傳用謂所宜用賈氏公彥曰巾車已

晉楚戰於邲事

主王與后之五路今此又掌之冬官造車訖以授巾車飾以玉金象之等其王及后所乘者又入典路掌

之

案巾車通掌車政典路第掌五路之名物駕說故分

二職

若有大祭祀則出路贊駕說大喪大賓客亦如之

正義鄭氏康成曰出路王當乘之贊駕說贊僕與趣

馬也

賈疏夏官大馭戎僕齊僕之等及趣馬之官主駕說

大喪大賓客亦出路

當陳之

賈疏祭祀乘玉路賓客乘金路餘路當陳之為華國大喪則不乘吉時路直陳之而已

鄭氏衆曰成王崩康王既陳先王寶器又曰大路

在賓階面贅路在阼階面先路在左塾之前次路在

右塾之前

賈疏大路王路贅路王路之貳先路象路次路象路之貳門側之堂謂之塾謂在路

門內之東西北面與王路贅路相對也案蔡氏沈書傳以先路為木路謂行則賤者宜先義亦可通

漢朝上計律陳屬車於庭

賈疏漢朝集使上計法亦陳車

故曰大喪

大賓客亦如之

凡會同軍旅弔于四方以路從

正義鄭氏康成曰王出於事無常王乘一路典路以其餘路從行以華國 賈氏公彥曰惟王路祭祀之

車尊不出其餘皆出以華國也

案王出於事無常或亦有祀事玉路不出

未知所據

易氏祓曰謂因會同軍旅而行弔事

車僕掌戎路之萃廣車之萃闕車之萃萃車之萃輕車

之萃

萃七內反廣古曠反萃泊清反輕溪政反注故書萃作平杜子春云萃車當為輶車

正義鄭氏康成曰萃猶副也此五者皆兵車所謂五

戎也

賈疏月令季秋習五戎鄭注以五戎為弓矢及矛戈戟此注所謂五戎者未知所據或以五戎

無正文故兩解之與

戎路王在軍所乘也廣車橫陳之車也闕

車所用補闕之車也萃猶屏也所用對敵自蔽隱之

車也

王氏安石曰革車蓋輜車之有屏蔽者

輕車所用馳敵致師之車

也

王氏昭禹曰孫武曰馳車千駟又曰輕車先出其側蓋用之馳敵致利非輕不可故馳車又謂之輕

車春秋傳公喪戎路

賈疏莊公九年左傳齊魯戰於乾時事

又曰其君

之戎分為二廣則諸侯戎路廣車也又曰帥旂闕四

十乘

賈疏宣十二年左傳晉楚戰於邲楚子為乘廣三十乘分為左右右廣雞鳴而駕日中而說左

則受之日入而說楚子使潘黨率旂闕四十乘從唐侯為左拒

孫子八陳有革車之

陳又曰馳車千乘五者之制及萃數未盡聞也賈

氏公彥曰戎路即巾車革路車僕惟掌五戎之萃其

五戎之正不言所掌者巾車雖掌五戎之一其下四戎之正亦當巾車掌之鄭氏鶚曰萃者副貳之名五路皆有貳數不過十二戎事危故副貳尤衆廣車闕車革車輕車皆有萃

通論陳氏汲曰詩云輶車鸞鑣爾雅輶輕也

餘論雜說車戰之法每車甲士三人步卒七十二人二十四人居前左右各二十四人居前者戰左右者挾轅常相更番後又二十五人為一隊去車二十五

步所謂炊家子守衣裝廝養樵汲者也行則以車為衛居則以車為營一車一間又有倅車孫子曰萃車千駟輕車千乘帶甲十萬謂倅車也車戰之法為不可敗計有倅車者萬一或敗免致倉皇無備後人自不能車戰豈得謂其法不可用

凡師共革車各以其萃會同亦如之

正義鄭氏康成曰五戎者共其一以為王優尊者所乘也

賈疏案巾車王所乘惟革路而已此經不云革路總云共革車則五戎皆是王雖乘一路四路

皆從是優尊所乘也

而萃各從其元馬

賈疏五戎車之下皆云之萃明萃皆從其元可

知巡守及兵車之會則王乘戎路

賈疏戎僕職掌馭戎車凡巡守及兵

車之會亦如之

乘車之會王雖乘金路猶共以從不失備也

黃氏度曰車僕掌五戎之萃皆以副王為名居中軍其卒皆鄉兵而乘之者皆官府州鄉之吏射人職大師令有爵者乘王之倅車是也 王氏安石曰各以其萃以其車之卒伍睦也

大喪廬革車

正義鄭氏康成曰言興革車則遣車不徒戎路廣闕
革輕皆有馬 賈氏公彥曰王遣車九乘除此五乘
之外加以金玉象木四者則九

大射共三乏

正義鄭氏衆曰乏讀為匱乏之乏 鄭氏康成曰乏
所以為獲者御矢也 賈氏公彥曰乏一名容射人
職三獲三容是也革車用皮乏亦用皮故因使為之
賓射燕射等皆共乏大射舉尊者而言 鄭氏鍔曰

王大射張三侯每侯一乏 鄭氏樵曰文反正為乏
正以受矢乏以蔽矢是相反也

司常掌九旗之物名各有屬以待國事日月為常交龍
為旂通帛為旌雜帛為物熊虎為旗鳥隼為旟龜蛇為
旐全羽為旖析羽為旟

正義鄭氏康成曰物名者所畫異物則異名也

賈疏九旗

中旌物旌旖等不畫異物注據名總言之耳

通帛謂大赤從周正色無飾

雜帛者以帛素飾其側白殷之正色全羽析羽皆五

五采繫之於旒旌之上所謂注旒於干首也

賈疏爾雅注旒

首曰旒旒旌非直有羽亦有旒故引以證旒旌旒羽並有也大常已下幢首皆有旒羽夏采職乘車建綏

注綏以旒牛尾為之綴於幢上旒旌首皆有旒之驗也

凡九旗之帛皆用絳

賈疏

全羽析羽直有羽而無帛而注云九旗之帛者據多而言

黃氏度曰司常掌其

物名其旗各屬於其官府師都州里而藏之有國事則出而張之不待給歲時共其更旌而已 王氏安

石曰旗之物則通帛雜帛之屬旗之名則旗常旌物之屬自常以下凡九物而旗居其一謂之九旗猶公

侯伯子男通謂之諸侯也各有屬則自王以下其臣民各有屬建旗則使之視而從焉待國事謂國有祭祀師田賓客之事

通論鄭氏鍔曰大常九旗之一耳獨以司常名官何也旗可謂之旂旌亦可謂之常郊特牲旂十有二旒龍章而設日月此指大常而言也而謂之旂豈非旗可謂之旂乎樂記龍旂九旒天子之旌也此亦指大常而言也豈非旗亦可謂之旂乎覲禮公侯伯子男

各就其旂而立月令春載青旂夏載赤旂秋載白旂
冬載玄旂春之青者宜曰旂夏之赤者宜曰旗秋之
白者宜曰旗冬之玄者宜曰旒不謂之旗旗旒而謂
之旂豈非旗皆可以謂之旂乎大行人建常九旂建
常七旂建常五旂旂則九旂旗則七旂旗則五旂不
謂之旂旗旗而謂之常此官掌九旗而名司常以大
行人參之義可知矣 方氏慤曰司常言設日月者
無龍章設龍章者無日月郊特牲言龍章而設日月

蓋雜記前代之禮

存疑鄭氏康成曰屬謂微識也

賈疏謂在朝在軍所用小旌故以屬言之

大傳謂之微號今城門僕射所被及亭長著絳衣皆其舊象 賈氏公彥曰或謂旒旌之下亦有旒旒而用絳帛旒之下旒似不用絳故爾雅云緇廣充幅長尋曰旒繼旒曰旒詩云白旒央央定公四年左傳分康叔以少帛績茷旃旌是旌旒色異也

及國之大閱贊司馬頒旗物王建大常諸侯建旂孤卿

建旌大夫士建物師都建旗州里建旗縣鄙建旒道車
載旒旒車載旌

正義鄭氏康成曰仲冬教大閱司馬主其禮王畫日

月象天明也

賈疏桓二年左傳臧哀伯云三辰旂旗昭其明也則此大常也此舉日月其實

兼有諸侯畫交龍一象其升朝一象其下復也

王氏昭禹

曰諸侯在國則有君道在朝則有臣道故龍一升一降乃不為亢

道車象路也王以

朝夕燕出入

賈疏巾車職象路以朝朝所以行道故謂象路為道車在朝則建大赤今以朝

夕燕出入則建旒

旒車木路也王以田以鄙

賈疏旒車巾車木路也正田獵

建大麾小田獵及
巡行縣鄙則建旌
全羽析羽五色象文德也大閱王

乘戎路建大常馬王路金路不出
賈氏公彥曰司
常主旗物故贊司馬頒物也九旗發首雖總為大閱
而言其道車載旛旂車載旌非為軍事

案孤卿謂為主帥者即大司馬中秋治兵之軍吏也
大夫士有職事於軍中而不與行陳圍禁之事下文
云官府大司馬職云百官是也師都謂公孤卿大夫
之采地州里謂六卿州長職云大攷州里足以見之

縣鄙謂六遂其四等公邑亦存焉采地鄉遂公邑之
車徒分隸於六軍之主帥其所建則為旗為旛為旂
也大閱之旗物不列於大司馬而著於此者司常為
旗物之專司而大閱為時田之極盛也大閱而道車
旂車並從者王行雖信宿不廢朝夕之朝若以巡狩
會同而講武則視四方之聽朝是也如宣王會諸侯
於東都而田於甫草之類

存疑鄭氏鏐曰此旗物司常與大司馬或頒之或辨

之然王與諸侯或建或載不出乎大常與旗至於旌
則孤卿建之矣師都又載之物則大夫士建之矣鄉
遂又載之旗則師都建之矣軍吏又載之旗則州里
建之矣百官又載之旒則縣鄙建之矣郊野又載之
何也蓋軍吏也孤卿也師都也三者不同名考其實
則皆孤卿而已平日為孤卿有事則為軍將在朝為
孤卿食采則在師都故所互建者旗也旌也所迭載
者亦旗也旌也鄉遂也大夫士也百官也州里也四

者不同名攷其實皆大夫士而已判而言之則曰大夫士合而言之則曰百官鄉則有州遂則有里曰鄉遂者總名也曰州里者各舉其一以名之故所互建者物也旗也所迭載者亦物也旗也郊野也縣鄙也二者不同名攷其實皆公邑之吏而已鄉遂餘地與夫封王子弟之餘地謂之公邑亦謂之間田自其地言之曰郊野自天子使吏治之曰縣鄙故所互建者旐也所迭載者亦旐也蓋王畿內官吏之衆大抵有

三節曰朝廷之孤卿耳鄉遂之士大夫耳公邑間田之羣吏耳民於每歲治兵大閱之時見聞習熟安其教訓一旦有軍事其旗可辨其人易識安得不如子弟之衛父兄手足之捍頭目耶 鄭氏康成曰孤卿

不畫言奉王之政教而已大夫士雜帛言以先王正

道佐職也

賈疏雜帛中央赤旁邊白白殷之正色而在旁故云以先王正道佐職也

師都

六鄉六遂大夫也謂之師都民所聚也

賈疏師衆也都聚也

主鄉遂民衆所聚故謂之師都

畫熊虎者鄉遂出軍賦象其守猛莫

敢犯也州里縣鄙鄉遂之官互約言之

賈疏州是鄉之官里與縣

鄙是遂之官故總言鄉遂之官云互約言之者遂之里是下士得與鄉之州中大夫同建旗則知鄉之閭亦得與遂之縣同建旒也遂之鄙得與縣同建旒鄉之黨亦得與州同建旗可知是互也鄉之族上從黨同建旗比上從閭同建旒也遂之鄙上從鄙同建旒鄰上從里同建旗是約也但族師并鄙師已下皆是士官雖與在上大夫同建其鳥隼象其勇捷也龜蛇切數則短疑當三切已下

象其捍難避害也

賈疏隼勇鳥捷龜有甲能扞難蛇無甲見人辟之

案通帛雜帛熊虎鳥隼龜蛇各殊其識以為建者之差次即有取義未必如注說之支也鄉遂之官互約

言之輶輶又甚矣曲禮曰行前朱鳥而後玄武左青
龍而右白虎出車詩曰彼旃旒斯胡不旆旆又曰旂
旒央央蓋龍虎鳥蛇其始特以左右前後而分繼則
以龍最貴虎次之鳥蛇又次之遂為爵列之等殺耳
皆畫其象焉官府各象其事州里各象其名家各象其
號

正義杜氏子春曰畫當為書 鄭氏康成曰事名號

者徽識所以題別衆臣

賈疏昭二十一年左傳宋廚人濮曰揚徽者公徒也是名

徽也詩六月識文鳥章箋云識徽識也是名識也

樹之於位朝者各就焉覲

禮公侯伯子男皆就其旂而立此其類也或謂之事或謂之名或謂之號異外內也

辨正鄭氏鶚曰熊虎鳥隼龜蛇之屬可畫事與名號何以畫當從杜子春作書

通論薛氏季宣曰司馬辨號名之用有六而此所言者有三司馬分言之司常總言之耳司馬謂帥以門名又曰百官各象其事即此所謂官府各象其事家

以號名即此所謂家各象其號縣鄙各以其名鄉以州名野以邑名即此所謂州里各象其名也

案注云三者旌旗之細又云徽識之書則云某某之事某某之名某某之號固有之然細玩經文則官府之事州里之名家之號亦直書於旌旗之上也如孤卿同建旌大夫士同建物而所書則別之曰某司徒之旌某司空之旌大夫某官士某官之物所謂官府各象其事也州里之吏同建旗則書某州之旗某里

之旗所謂州里各象其名也如魯三家同建旗則書
季孫氏之旗孟孫氏之旗所謂家各象其號也觀大
司馬職王載大常諸侯載旂軍吏載旗師都載旂鄉
遂載物郊野載旒百官載旗各書其事與號焉文不
更端足以見之

凡祭祀各建其旗會同賓客亦如之置旌門

正義鄭氏康成曰王祭祀之車則玉路

賈疏玉路則建大常

賓

客朝覲宗遇王乘金路

賈疏齊僕職掌馭金路以賓齊右職會同賓客前齊車齊

車即金路朝覲宗遇即巡守兵車之會王乘戎路皆會同故總以金路解之

建大常掌舍職為帷宮設旌門

賈疏掌舍樹之此官共旌

易氏

祓曰會同賓客在國外及方岳之下故置旌門以為王者營衛之儀

大喪共銘旌

正義鄭氏康成曰銘旌王則大常也士喪禮為銘各以其物

建獻車之旌及葬亦如之

正義鄭氏康成曰葬云建之則行時解說之

賈疏在廟陳時

以盛旌建於遣車之上及葬入壙亦建之惟在道使人各執遣車又當各執盛旌是解說之也

凡軍事建旌旗及致民置旗弊之甸亦如之

正義鄭氏康成曰始置旗以致民民至仆之誅後至

者 賈氏公彥曰大司馬致衆之時司常建之甸謂

四時田獵 王氏安石曰置植之也軍事建旌旗使

師衆觀之以為進退致民則無所事建植於其所而

已

案以義揆之似車上曰建樹於地曰置覲禮上介奉其君之旗置於宮是也蓋致民宜樹旗於壇不宜建於車也但月令云司徒播扞北面誓之誓時亦不宜在車而大司馬職建旗於後表之中豈建樹相對則義有別而散文可通耶

凡射共獲旌

正義鄭氏康成曰獲旌獲者所持旌 賈氏公彥曰若大射服不氏唱獲所持之旌三侯皆有獲旌也言

凡射則兼大射賓射與燕射

歲時共更旌

正義鄭氏康成曰取舊予新 賈氏公彥曰謂受官

旌旗用之者四時來換易則司常共之

都宗人掌都祭祀之禮凡都祭祀致福于國

正義鄭氏康成曰都或有山川及因國無主九皇六

十四民之祀

賈疏王制天子諸侯祭因國之在其地而無主後者史記伏羲已前九皇六十

四民竝是上古無名號之君絕世無後今宜主祭之也 案賈氏周禮疏序引此作春秋緯命歷序文蓋

緯書之雜記
民疑當作氏

其祭祀王皆賜禽焉

賈疏祭僕職王所
不與則賜之禽都

家亦
如之

主其禮者警戒之糾其戒具其來致福則帥而

以造祭僕

賈疏祭僕職凡祭祀
致福者展而受之

存疑鄭氏康成曰王子弟則立其祖王之廟

賈疏莊
二十八

年左傳邑有宗廟先君之
主曰都明天子禮亦然

案公廟設於私家非禮也祖王之廟王子弟焉得立

之諸侯不得祖天子大夫不得祖諸侯若王子弟得

立廟則本支無別而統不歸於一矣而可乎然左氏

所云都邑先君之廟則固間有之蓋或遷國而舊都
所存如豐有文王廟晉廟在曲沃之類或特營都邑
而立之廟如洛邑有文武廟之類其祭朝廷自領之
非王子弟所主也王子弟始封為別子其後世子孫
祭之則亦致福於國耳

通論王氏詳說曰致福者都家宗人也展宗人之致
福而授之膳夫者祭僕也受祭僕之致福而獻之於
王者膳夫也

正都禮與其服

正義鄭氏康成曰禁督其違失者服謂衣服及宮室
車旗

若有寇戎之事則保羣神之壇

正義鄭氏康成曰守山川丘陵墳衍之壇域

國有大故則令禱祠既祭反命于國

正義鄭氏康成曰令令都之有司也祭謂報塞也反
命還白王

案寇戎荒札徧禱於羣神既禱又祭則祭亦報塞之意

家宗人掌家祭祀之禮凡祭祀致福

正義鄭氏康成曰大夫采地之所祀與都同

賈疏大夫有采

地者稱家若卿則為小都公則為大都

國有大故則令禱祠反命祭亦如之

正義鄭氏康成曰以王命令禱祠歸白王於獲福又以王命令祭之還又反命

案大宰以八則治都鄙一曰祭祀以馭其神則凡都家所應祭者皆已頒而受之矣故常祭但致福而已不俟更令也大故禱祠非常則必俟令而行此云祭亦如之則都宗人之祭與禱祠為二明矣舉下以見上經例然也

掌家禮與其衣服宮室車旗之禁令

正義鄭氏康成曰掌亦正也 王氏昭禹曰都家宗人其典祀一也言或詳略以互見為義

凡以神仕者掌三辰之灋以猶鬼神示之居辨其名物
正義鄭氏康成曰猶圖也天者羣神之精日月星辰
其著位也 王氏安石曰日月星辰其氣物時數升
降出入往來鬼神示各以象類從焉故三辰之灋可
以猶而辨之

案卜史祝巫宗人諸職皆有事於神此以神仕者則
未受官而學藝以待用者序官云以其藝為之貴賤
之等是其登進之灋也欲事鬼神必知鬼神之情狀

欲知鬼神之情狀必先辨其名物以神仕者未有職
事故以此先焉必掌三辰之灋然後可以猶鬼神亦
之居者如春秋傳所載實沈為參神神降於莘曰其
至之日亦其物戊子逢公以登而知妖星為告邑姜
也

通論鄭氏康成曰國語古者民之精爽不攜貳者而

又能齊肅中正

案國語作衷

其知能上下比義其聖能光

遠宣朗其明能光照之其聰能聽徹之如是則神明

降之在男曰覲在女曰巫是以使制神之處位次主而為之牲器時服巫既知神如此又能居以天法是以聖人用之今之巫祝既闇其義何明之見何法之行正神不降或於淫厲苟貪貨食遂誣人神令此道滅痛矣

以冬至致天神人鬼以夏至致地祇物鬼以禴國之凶荒民之札喪

魁眉秘反禴胡對反札則八反

正義鄭氏康成曰天人陽也地物陰也陽氣升而祭

鬼神陰氣升而祭地示物鬼所以順其為人與物也

百物之神曰魍魎春秋傳魍魎魍魎

賈疏宣三年左傳王孫滿對楚子辭

杜氏子春曰禘除也

案天神地示諸祀大宗伯掌之而六卿之正貳以及祝史胥有事焉以神仕者微矣不足以與其禮也此以天神人鬼地示物魍魎雜言之明非神示之尊者於冬夏日至致之亦不成為祭也以諸人未有職若使之肄業焉爾云以禘者非是則無以為名也

通論王氏應電曰聖人生而神靈故能通幽明之故
下此得氣清明者亦推測天地陰陽鬼神之故此卜
筮占夢眡祲馮相保章大祝司巫等官所由設也記
曰王前巫而後史卜筮瞽侑皆在左右王中心無為
也以守至正

總論黃氏度曰春官之屬凡七十自大宗伯至職喪
為一節自大司樂至司干為一節自大卜至御史為
一節自巾車至末為一節

案宗伯職掌邦禮而以祭祀為主蓋所以治神人而和上下故凡有事於禮及司神之官皆屬焉小宗伯肆師佐大宗伯者也鬱人鬯人雞人司尊彝司几筵皆掌祭祀之重器天府典瑞典命司服皆掌禮秩之大儀典祀守祧世婦內宗外宗則守廟祧之官及祭事之職也冢人墓大夫職喪則守墓域之官及喪事之職也行禮必有樂然後神人以和故大司樂樂師大胥小胥大師小師瞽矇眡瞭典同磬師鐘師笙師

鑄師執師旄人籥師籥章鞀鞀氏典庸器司干皆樂

官之屬也卜祝巫史明鬼神之理通陰陽之道故次

於司樂之後而皆隸於宗伯之職大卜卜師龜人筮

氏占人箬人占夢眡祲卜官之屬也大祝小祝喪祝

甸祝詛祝祝官之屬也司巫男巫女巫巫官之屬也

大史小史馮相氏保章氏內史外史御史史官之屬

也巾車典路車僕司常掌車旗之事宜次於典命司

服而叙在巫史之後蓋車所以乘旗載於車後之者

貴賤之等也都宗人家宗人主食邑采地之官後之
者內外之辨也凡以神仕者無常數未有官職故又
後之也

欽定周官義疏卷二十七